

西北稀見方誌文獻 第八卷

中國西北文獻叢書



中國西北文獻叢書・第一輯

西北稀見方誌文獻

第八卷



續修陝西通志稿目錄

卷六十三

錢法

卷六十四

名宦一 總督

卷六十五

名宦二 巡撫

卷六十六

名宦三 學政

卷六十七

名宦四 布政使 按察使 諸道

卷六十八

名宦五 知府 同知 知州 知縣 以上乾隆朝

卷六十九

名宦六 知府 知州 知縣 以上嘉慶道光朝

卷七十

名宦七 知府 知州 知縣 以上咸豐同治光緒朝

卷七十一

名宦八 補錄廳州縣 佐職

卷七十二

名宦九 附錄乾隆以來死事官員

續陝西通志稿 卷首目錄

卷七十三

名宦十 將軍 提鎮 副將以下 附錄

卷七十四

人物一 列傳一

卷七十五

人物二 列傳二

卷七十六

人物三 列傳三

卷七十七

人物四 列傳四

卷七十八

人物五 列傳五

卷七十九

人物六 列傳六

卷八十

人物七 列傳七

卷八十一

人物八 列傳八

卷八十二

人物九 列傳九

卷八十三

人物十 列傳十

卷八十四

人物十一 列傳十一 補遺附錄

續陝西通志稿 卷首目錄

卷八十五

人物十二 列傳十二 流寓

卷八十六

人物十三 列傳十三 孝義

卷八十七

人物十四 列傳 孝義二

卷八十八

人物十五 列傳 孝義三

卷八十九

人物十六 列傳 孝義四

卷九十

人物十七 列傳 孝義五

卷九十一

人物十八 列傳 孝義六

卷九十二

人物十九 列傳 孝義七

卷九十三

人物二十 列傳 孝義八

卷九十四

人物二十一 列傳 孝義九

卷九十五

人物二十二 列傳 忠節一

卷九十六

人物二十三 列傳 忠節二

續陝西通志稿 卷首 目錄

卷九十七

人物二十四 列傳 忠節三

卷九十八

人物二十五 列傳 忠節六

卷九十九

人物二十六 列傳 忠節七

卷一百

人物二十七 列傳 忠節八 人瑞

卷一百一

人物二十八 列傳 忠節九

卷一百二

人物二十九 列傳 忠節十

卷一百三

人物三十 列傳 忠節十一

卷一百四

人物三十一 列傳 忠節十二

卷一百五

人物三十二 列傳 忠節十三

卷一百六

人物三十三 列傳 忠節十四

卷一百七

人物三十四 列傳 忠節十五

卷一百八

人物三十五 列傳 忠節十六

卷一百九

人物三十六 列傳 忠節十七

卷一百十

人物三十七 列傳 忠節十八

卷一百十一

人物三十八 列傳 忠節十九

卷一百十二

人物三十九 列傳 忠節二十

續修陝西通志稿卷六十三

錢幣

錢幣莫善於有清康雍之際雲貴湖南各省歲解銅鉛有盈無絀錢質精美輪廓分明昔人所謂不惜銅不愛工者始成事實雍正時立限一品之家許用銅器民間除紅白銅併黃銅之樂器天平法碼及五斤以下銅鏡不禁其餘概不許黃銅製造何其綜理密微也嘉道以後銀貴錢賤侍郎黃爵滋推本於鴉片之漏卮其言絕痛迫五口通商東西洋環貨日至銀錢外溢巧歷難計東南各行省民力竭矣陝西僻處西陲受害稍遲六十年前民間貫朽之風尙有所聞然至道光二十三年陝撫奏請減卯鼓鑄則實陝局已不免財殫力竭矣當事者猶不爲開源節流之計斤斤焉鑄大錢造鐵錢發官票苟且補苴蓋至是制錢已不能鼓鑄公家之票續陝西通志稿卷六十三 錢幣

續陝西通志稿卷六十三 錢幣

一

既日出日多私家之票亦漸推漸廣奸商乘時射利公然買空賣空名曰做乾盤其間一敗塗地者不知凡幾極而至於菜傭醬嫗髮匠狗屠皆得發行錢票換人實銀一旦齊集取錢則東夥逃逸舖門封閉貧窮孤寡至有手持空票奔號終日不名一錢者而壓里騷然矣物窮則返本光緒二十年後商民相戒不用錢票交易一以銀爲準無如蘆漢鐵路告成東南風氣陡輸西北朝廷參酌中西飭鑄小銀圓當十銅圓北洋湖北各省靡然從風陝西不乘其時自鑄銀幣而公私愈困矣茲舉乾隆以後陝西錢幣因革暨推行官票利弊並著於篇

乾隆十年陝撫陳宏謀奏請禁止打造黃銅器皿併奏錢質過重則防銷毀過輕則防私鑄現行一錢二分四分之錢不免銷毀請照順治元年康熙年間每文鑄重一錢並照順治初年之例以一

文當一釐是年復開陝西實陝局幕鑄實陝字

按實陝局由鹽法道總理設監理官一守藏庫官一巡查出入官一額設二十鑪正鑄二十四卯遇閏加增每卯以銅六鉛四爲準看火翻砂刷灰雜作到邊滾邊磨錢洗眼均依例定秩序除耗淨鑄銅鉛二萬七千三百斤正鑄錢三千六百四十串帶鑄淨銅鉛二千二百五十九斤一兩二錢帶鑄錢三百串二百十文

十一年四川寶川局代陝歲鑄錢三萬一千二百串撥運至陝省搭放兵丁月餉仍易銀歸款

十三年奏開華陰縣之華陽川地方黑鉛礦議定每百斤抽課二十斤又官買餘鉛二十五斤每斤給價銀五分至二十年以鉛廠工本不敷復增定每斤給價銀六分收買解局鼓鑄

續陝西通志稿卷六十三 錢幣

錢幣

二

十六年川陝總督尹繼善以川省歲撥陝錢分四季發運駝脚艱難不能如期運到請改撥川銅二十五萬斤由水路運陝於實陝局見鑄洋銅之外增鑄十座加配鉛錫每年除去工價可得錢四萬八千六百餘串由陝西按年領銅鼓鑄奉旨允准五十年部定各省錢局交代之例凡藩臬及道員經管者於新舊交卸時俱著前任造冊移交新任並具結造報巡撫倘有欸項未清即將前任經管之員參處以專責成五十六年部定實陝局鼓鑄錢文由布政使司按卯提驗歸藩署收儲搭放兵餉由司核明銀錢兼放每錢一千作銀一兩當堂給發歲底造冊題報

按乾隆初年銅禁弛後私銷日多一時臣工屢請禁銅收銅朝廷總以吏役奉行諸多煩擾尼之而私鑄之風尙未大暢據岳震川食貨論乾隆五十年後承平日久奸宄潛滋興漢二府小

錢之多如水湧而出則以南連蜀山東接楚澤奸民之淵藪盜鑄之巢穴也販小錢者或馬騾重載或舟舫潛儲百方掩匿期於不敗此盜鑄之骨肉也城門關隘津渡吏胥雖查其奸得賄即縱此盜鑄之羽翼也亦有迹同黠鼠晝伏夜行胥吏無從詰驗此盜鑄骨肉之尤健者也此其所載最多獲利最厚富商大賈間有爲之囊橐者不過十之一二至於小小商販見利忘害此盜鑄之奴僕耳州縣親民之官必掃其巢穴誅其骨肉縱其羽翼而後盜鑄可絕若止詰問其奴僕庸有濟乎省城官憲奉檄來查小錢商賈間均被其害商賈之害官吏飽餐屬意大抵出於市區間之害冠昏喪祭十千可辦之物二十千弗可得及白蓮教匪起小錢害息然此輩奸民明目張膽往而從賊販小錢之民或爲鄉勇或爲賊尾攻剽富室乃知太史公以鑄幣與掘塚同科良有以也

續陝西通志稿 卷六十三 錢幣

三

岳公生乾嘉之際南山一帶盜鑄如雲然猶恐扞當世之文網也至光緒初年山陽武舉阮大德自鑄小錢商洛五屬呼之爲阮氏錢而楚豫奸民販運小錢至由潼關以達西同鳳邠各屬此則弁髦法令毫無忌憚之尤矣

咸豐四年陝撫王慶雲奏設官錢局又奏鼓鑄當十至當千大錢早進錢樣並開採南山一帶銅礦奉旨允准惟不得招集外來游民致令奸宄混迹

按清初懲明季礦稅之害內地礦山多主封閉實陝局所需銅鉛率購自雲南四川乾隆十年以後添購洋銅先後由長蘆江蘇官商代購其不足者始准在寧羌等縣開採增補乾隆四十年以舊廠產銅不旺於畧陽另開新廠西安志稱其銅斤優裕

足資鼓鑄據陝撫此奏則是南山一帶礦務仍未發達也

五年陝撫載齡奏請以黃金定價抵銀行使戶部議准試行章程十二條一或色宜酌定一價值宜酌中一交官之款分別覈辦一收納地丁於串票內添註數目一解部之款與白銀並解一協撥餉銀搭解黃金一各省放款視所收之數酌量搭用一部庫放項視金數之多寡隨時酌辦一出納按照向來收放定章一收放黃金就現銀款內分搭一官銀錢號令各省一體開設藉資兌換一產金省分宜令試行開採

按貨幣之妙在於大小輕重各得其平而其子母相權須操之自有清幣制銀錢並用以平百物厥後銀貴錢賤子母已不相權實陝局鼓鑄錢文道咸之際大率工本二而鑄一鑄一千之錢即廢一千之幣載齡之以金抵銀似矣不言以金爲本位

續陝西通志稿 卷六十三 錢幣

四

鼓鑄金幣則非根本之計考西洋各國幣制以金幣爲本位輔以銀銅二幣皆有定值入其國者莫不遵行英吉利之金磅一合銀實先令二十先令一合銅實本士十二是也推之法蘭西佛郎德意志馬克俄羅斯盧布雖皆銀質而各有金幣銅幣爲之準值我國以銀爲本以錢爲末民間慣用錢官家慣用銀銀之分兩成色國無定制一任商賈上下其手至於官鑄制錢亦不免增鉛夾沙貽人口實私鑄私毀禁令雖嚴而具文空存此幣制所以不能統一也使當時采取西法自鑄金銀銅三幣立定準值全國一致何至金價漲落操諸外人之手蒙害至不可救療哉

八年實陝局委員知縣李應詔未入流李洵監鑄匠報七萬餘串虧短本錢五萬餘串官錢鋪委員知縣郭廷椿管理舖事未入流

按銀之爲錢民已賤視而官吏又視爲利藪雖斬決不足蔽其辜也然自此民間遂有三七二八對半錢之慣習不可究詰矣同治六年省城錢行賺錢六千四百餘緡設立咸長公局發行錢票公推郭文壽王管局務

道渭南姜恆泰接辦九年秋商民庸集持票取錢公局不支藩司恐釀巨變出庫錢維持十一年奉文收票撤局而恆通字號尋亦收歇

事礙	其閉	票民	清掃	充停	光明	不素
中飽	停滯	本均	銀支	早搭	繕仍	無准
利所	止而	判各	歸月	成載	二價	虧與
看出	面商	而兩	銀納	吳票	今聞	折制
不礙	頗民	小便	歸納	兌收	貴賤	十數
銀票	其受	本自	自准	權放	抽賄	大吏
而藉	復害	營停	此部	停貢	臣爵	狹小
自貢	設控	生止	之否	征銀	罪者	間搭
絕同	且案	各後	復領	籌正	無誠	停放
當特	查案	店買	銀令	販販	購收	止官
此時	同業	往交	領收	贖於	以緣	追兵
奉照	治於	往交	庫歸	餉同	好各	同俸
多疑	光足	廣島	已停	出需	民營	治兩
銀別	統每	開悉	停止	款票	私兵	元額
款數	年言	錢用	止直	急停	造餉	年因
支出	聞及	票私	而至	增止	餉餉	軍各
餉銀	說於	盈發	管十	錢發	票取	不辦
藉以	省之	千票	餉二	銀票	商餉	餉
以開	地官	累於	餉年	餉距	民票	支數
架好	方健	萬是	年底	復三	時庫	數臣
空商	多原	一舖	行始	兩四	受款	臣臣
周之	放無	全不	日候	行兩	其壽	匪更
轉出	職慳	折自	久票	年用	實費	燕票
	官信	轉出	商收	票當	價轉	奏備

案財政說明書省城發行紙票八十一萬九千三百一十六兩
五百文漢中發行紙票二萬一千九百五十串興安發行紙票
四萬三千四百四十串延安發行紙票六百九十二串五百文
設局之初原爲流通官票起見而各屬辦法或以官票折合現
銀長期生息或以官票購易現銀生息息率又各不同省城八
厘興漢則一分三釐省城每年所獲紅利爲北山苦缺津貼專
款漢中每年紅利提四成報解四成留作護本二成充實興安

四成報解四成半作爲護本一成半充實延安以商務疲滯所獲紅利仍作護本則致紙票與準備金相差懸殊而錢色又不能盡一貫流通上之一大障礙也

名宦

自南史傳論有名宦之目後代相沿如元明及清一統志遂列爲地志中之一目而各省通志亦循其例凡官斯土之著有政績者率擇尤而爲之立傳焉陝省舊志沿其例勿變也顧會稽章實齋謂敘次名宦不宜與鄉賢同爲列傳非第客主異形抑亦詳略殊體故其修各府州縣志也舉仕宦是邦之人與事編爲政略以官標首以政爲重並申其說曰義取謹嚴意存補救時世拘於先後紀述要於經綸是已然而左傳編年也備紀衛鱗之始終晉語方志也具詳管跡之存卒是通史中未嘗不具仕宦之事蹟况鄭夾深創通志一書名宦人物並列傳內今各省部之通志即根據鄭志之名而規撫鄭志之例者也似名宦傳之編入前事正自可師

續陝西通志稿

卷六十四

名宦

一

實齋又云名宦標目創自元明統志今之部府州郡志即用統志類纂之法是固知源流之有自矣陝西吏治有清一代夙推整飭然政綱與時會轉移略有三變乾隆初陳文恭撫陝以理學表率關中一時屬吏多學道愛人之選農桑水利次第興焉此一變也逮乾隆季年畢尙書開府秦中首倡經術考據之學幕府招延州郡拔擢類多實事求是吏治蒸蒸趨重文學此又一變也道光之末林文忠持節陝甘登進實心辦事之吏如徐棟余炳燾等由是關輔宦途一以清勤爲尙後來大吏取法於林蹈矩循規罔有踰越咸同間軍旅繁興未遑吏治光緒初額勒和布張佩綸勘案來陝嚴劾貪黷力除煩苛而吏道復清循良踵起此又一變也總之振興政治不外漢宣注重二千石一語然古人仕宦一途實亦有專門之學戴記宦學事師非禮不親孔穎達疏云宦謂學仕宦之

事周官師氏掌國中失之事以教國子釋者謂中失之事即掌故之學司諫掌糾萬民德而強之道藝辦其能而可任國事者釋者謂可任國事即任以吏職言使之爲比長閭胥之類從可知三代前以識國故任吏事爲講求宦學之綱世之企爲名宦者蓋於孔疏所謂仕宦之學加之意也乎茲編自乾隆朝始先列文職首督撫學政次司道次府廳州縣次佐職其武職則將軍提鎮以次撮錄備考焉

名宦一

總督

查耶阿姓納喇氏滿洲鑲白旗人初襲世職兼佐領康熙六十年授參領雍正元年授吏部郎中尋擢吏部左侍郎遷左都御史仍辦吏部事六年授吏部尙書明年二月命往西安協同川陝總督

續陝西通志稿

卷六十四

名宦

二

岳鍾琪辦理軍需四月署川陝總督奏改西安管糧通判爲水利通判移駐涇陽縣之王橋鎮專管涇陽醴泉三原高陵臨潼五縣隄築尋命兼理西安將軍印務加太子少保後命往肅州辦理軍需仍兼川陝總督九年二月增設四川總督以查耶阿署陝西總督旋奉旨於湖廣買米循舊道運貯商州備轉運因奏云臣查大學士等原議自襄陽至龍駒寨運價造船濟河每石費銀一兩龍駒寨至西安每石二兩較西安米價已逾數倍商州處萬山中丹江環之地氣潮溼商南雒南等縣環山濱河亦難久貯陝省各屬存糧百二十餘萬石更有扣存五分社倉銀經督臣岳鍾琪奏明存庫未糶請動此項於新穀豐收時酌量採買分貯州縣可省運費而散貯各處每年出陳易新亦易詔如所請尋署寧遠大將軍印務旋奉諭來京會議軍務十三年五月噶爾丹策零乞和遵旨

班師授協辦大學士仍管陝西總督事復命爲文華殿大學士兼兵部尚書是年仍改陝西總督爲川陝總督乾隆元年以甘肅地瘠請酌撥陝西倉儲預籌協濟詔會同陝西巡撫劉於義確議五月會奏協濟六事上皆以爲妥協繼又奏陝西標營生息銀兩五事皆允行九月陞見諭速回西安又奏陝省屯田之賦重於民田昔年糧從地起丁由人出故屯田賦重而丁銀稍輕經前督臣岳鍾琪奏將通省丁銀攤入地糧屯田地每糧一石折銀一兩均載丁銀一錢五分糧輕丁重民戶減除甚多糧重丁輕者有增無減請照前奉恩旨豁除俟下屆編審將通省新增應完之丁銀均攤於民戶地糧漸補足原額即行停止永不加賦則以糧載丁之案不必紛更而屯累稍紓再查陝西馬步俱係招兵食餉獨督標火器營兵一千於咸長等州縣屯丁內拔補每名月給餉銀七錢餘

名宦

三

皆屯民津貼或本人當兵合衛代完錢糧或出營雇人其人稍不遂意逃避勸捐又向本衛拔補滋擾無已請照鎮標步兵例招募差操不在屯衛拔補庶各縣屯民永免幫貼之累又言屯衛地丁久歸州縣初時恐公務浩繁應役需人將屯丁留用二千每丁受旱地一頃將額徵米二石二斗豆一石八斗布銀四錢二分留爲應役工食近來差務漸減各衛門皆有經制人役且一丁受地一頃終歲服役不遑盡力農畝俯仰何賴更有本身不能應役雇人代替亦有各衛門不用供役勒折軍錢弊難枚舉請將屯丁二千裁留一千各衛門少一千屯軍即各州縣多一千農夫錢糧歸於有用屯困亦可稍甦其留丁一千名工食外再給銀二兩計共銀二千兩在司庫按季支領均從之五年命還京入開辦事加太子太保因衰病乞休命以原官致仕九月卒子邁拉遜襲世職

國史本傳

尹繼善字元長號望山姓章佳氏滿洲鑲黃旗人大學士尹泰子雍正癸卯進士改庶吉士散館授編修遷侍講六年授內閣侍讀學士協理江南河務署江蘇巡撫七年實授尋署河道總督署兩江總督調雲貴廣西總督乾隆元年設貴州總督以尹繼善爲雲南總督旋入爲刑部尚書兼管兵部事議政處行走丁父憂服闋晉太子少保教習庶吉士旋授川陝總督丁母憂服闋署兩江總督旋實授復調兩廣總督授戶部尚書協辦大學士軍機處行走旋命署川陝總督嗣設四川總督乃以尹繼善爲陝甘總督時大學士傅恒經略金川大兵出陝西上以尹繼善於一切安置臺站馬匹事宜星速趕辦調度得宜開其一切處分久之復詔令與內大臣傅爾丹尙書達勒黨阿舒赫德參贊軍務晉太子太保十五年二月疏請修陝西文武成康周公太公陵墓享殿復調兩江總督陝西通志稿

名宦

四

督旋召入京尋復署陝甘總督調江南河道總督先是哈密蔡伯什湖屯田萬畝於雍正十三年屯兵承種乾隆七年改回民承種嗣貝子玉素富以收成歉薄請罷事下尹繼善及安西提督王進泰議至是尹繼善奏言從前開渠引水幾費經營近日歉收實由回民不諳耕作所致即使水澤偶有不敷亦斷無舉萬畝屯田概行廢棄之理伏思開墾此田原爲接濟兵食請選安西兵丁子弟或招各衛戶民承種既於兵食有益且有此壯丁二百餘依安西屯戶團練之法又可寓兵於農協同防守臣已調任南河謹就所見陳之上題其言旋命署兩江總督頃之實授兩江總督二十九年晉文華殿大學士仍留總督任旋召來京入開辦事兼管兵部事務卒贈太保入祀賢良祠子諡文端云

有以國故併述之事

國史本傳
內傳
遼參
遼海
遼詩
遼傳

陳宏謀字汝咨號溶門廣西臨桂縣人雍正癸卯進士改庶吉士
散館授檢討旋揀授吏部郎中遷浙江道御史仍兼郎中上行走
尋授江南揚州府知府仍帶御史銜遷江蘇按察使江寧布政
使緣事降調乾隆三年補直隸天津道遷江蘇按察使江寧布政
使擢甘肅巡撫調江西巡撫陝西巡撫尋復調江西由江西調湖
北巡撫十二年三月以大學士管川陝總督慶復劾宏謀在陝撫
任內愛憎任情好自作聰明不持政體部議革職詔從寬留任又
以前經保薦之長安縣知縣董三錫貪劣事發議革職詔仍寬免
是年冬復調陝西巡撫先是宏謀以陝西各驛疲困請增夫馬經
大學士訥親議駁復請於漢中府屬之寧羌縣縣城鳳縣棧道
十四驛每站增馬一夫十酌支工料詔如所請又言陝西開十鋪
鼓鑄已准部撥運到洋銅其所需黑鉛本省開採白鉛點錫赴楚

續陝西通志稿

卷六十四

名宦

採辦至配用銅斤鉛錫照例扣耗每卯餘贖挫磨枝梗尾卯一併
繳錢歸款設監鑄官一員總理官一員內外巡查官二員並輪撥
弁兵防範又從前所鑄錢俱搭放兵餉今兵餉已有川省增鑄之
錢協濟不必搭放見在陝省錢少價昂俟鑄有成數照市價酌減
出售易銀歸款部議從之明年疏請採辦滇銅免致停鑄守候錢
價可漸平又制錢陸續易銀恐價平則買錢者少其川省還回秋
季協濟之錢出易外餘即搭放兵餉報可其後二年復疏陳陝省
各屬常平倉多空贖請擇完整者酌留數間備賑并貯捐監穀
地方官入冊交代不時修葺其遠年舊版漸就傾圯者物料及早
拆卸據實冊報有應分新社即移建社倉似亦化無用為有用法
得旨允行又言關中沃野千里平原土厚雖有河道岸高難引鑿
井灌田實為數早良法臣諭屬員勸導凡以已資開井者地方官

驗明獎勵無方者就近借給社穀作工本收息還倉無社穀者以
常平倉穀給之報可旋調撫河南十九年復調陝西巡撫疏言明
歲大兵進勦準噶爾派出之索倫巴虎爾哲哩穆兵應設驛站營
馬不敷抽撥酌雇民間驛馬車輛以利進行詔允所請又言陝省
常平倉穀缺額節經動用庫貯雜款買補還倉第採買不能過多
恐於民食有礙今穀麥既多價賤准准官買照市價聽從民便此
正昔人和糴之法可濟民食而廣積貯上嘉納之又疏言鼓鑄必
預籌銅滇黔路遠費重且恐無餘銅洋銅到陝遲早難期不若就
本省漢中府屬寧羌州之銅綠溝舊銅鐵開採並華陰縣屬之華
陽川亦有原鑛一併試採以供搭配鼓鑄報可次年正月又言古
北口解到戰馬疲瘦先就西安將軍標及督撫兩標預備安臺之
馬擇最壯者解甘又協理總督劉統勳以甘省安臺缺馬令陝
續陝西通志稿

卷六十四

名宦

省幫雇脚驢恐緩不濟急查陝省各臺原於通省驛馬內抽撥八
百匹為領兵官騎用今移此馬先解甘省涇州計日到臺即可送
兵陝省少此臺馬八百匹再於民間增雇陸續赴臺就近易集得
旨允行尋調甘肅巡撫調湖南巡撫二十一年十一月仍調陝西
巡撫復調撫江蘇遷兩廣總督繼又命以總督銜仍管江蘇巡撫
加太子少傅遷兵部尚書署湖廣總督兼管巡撫事尋遷吏部尚
書加太子太保授東閣大學士三十五年七月因老病請解任詔
弗允次年復以衰病奏請開缺詔加太子太傅以原品致仕並賜
御用冠服賦詩以寵其行六月卒於途詔入祀賢良祠予諡文恭
宏謀之學以不欺為本與人言政輒引之於學以為仕即學也故
其所施於家國上下之際者各得其理人咸安之其治陝西尤以
農桑為先務陝西本古蠶桑地近世廢棄布帛皆資東南乃立蠶

桑局募江浙善蠶織者導之令民種桑養蠶不能自織者賣絲於官頃之利漸著西安華州織繅充歲貢又勸民養山蠶種山蒱歲以充食又修治渠泉製水車教民耳水之法鑿井二萬八千八百有奇早歲以溉田其所著書有養正遺規教女遺規訓俗遺規從政遺規在官法戒錄學仕遺規其奏疏文檄具載培遠堂文稿中上詔求明經之士宏謀舉陳法及孫景烈世以爲知人云

傳影本

先登事蹟

畢沅字纓衡一字秋帆又號靈巖山人江蘇鎮洋縣人弱冠遊京師以舉人爲內閣中書軍機處行走乾隆庚辰以一甲一名進士授翰林院修纂升侍讀詹事府右庶子授甘肅鞏秦階道從總督明山出關查屯田調安肅道三十五年擢陝西按察使旋升陝西布政使兼護巡撫印務時大兵征金川由陝入蜀沅督理臺站饋

續陝西通志稿

卷六十四

名臣

七

餉充足值河渭洛三水溢入朝邑界沅馳往分別賑卹全活甚衆尋授陝西巡撫值歲旱禱太白山得甘雨轉歉爲豐復清理八旗及提標馬廠空地募民開墾納賦爲賞卹之用又奏修西嶽廟及元聖周公墓訪其後裔置五經博士一人以奉祀事涇陽龍洞渠在陝西六載兼署西安將軍再署陝甘總督者一特賜戴孔雀翎恩遇之隆漢大臣莫及焉旋以母憂去職久之上以陝西巡撫員缺緊要畢沅前在西安最久熟悉該處情形且守制將屆一年見在一時不得其人著前往署理於是再蒞陝西旋以剿辦甘回仇教收復河州有功賞給一品頂戴並交部議敘又嘗以終南山東西綿亘千餘里年來開荒墾種客民衆多奸宄伏藏在堪慮因疏請升興安州爲知府兼設丞倅俾東西南路聲勢聯絡一切防奸緝匪稽查易周實爲一勞永逸之計得旨允行又奏請重

修陝西省城工案堅整至今賴之服闋實授陝西巡撫久之調河南巡撫擢湖廣總督旋回豫撫本任復由豫撫總督調廣又降補山東巡撫頃之仍授湖廣總督嘉慶二年以征剿苗匪卒於辰陽軍次贈太子太保賞輕車都尉世職令其孫承襲後以貽誤地方濫支帑項革世職復給還沉識量宏遠喜愠不形於色待僚屬以禮遇事不執已見人人皆得盡其言生平篤於故舊尤好汲引後進一時名儒才士多招致幕府如吳中書泰來殿侍讀長明程編修晉芳邵學士晉涵洪編修亮吉孫觀察星衍等公暇詩酒唱酬無虛日帥關中時節府實僚尤多佳話性好著書謂經義當宗漢儒故有傳經表之作謂文字當宗許氏故有經典辨正及音同義異辨之作謂編年之史莫善於涑水續之者有薛王徐三家徐雖優於薛王而所見書籍猶未備且不無詳南略北之病乃博稽群

續陝西通志稿

卷六十四

名臣

八

書攷嚴正史手自裁定始末訖元爲續資治通鑑二百二十卷別爲攷異附於本條之下凡四易稿而成謂史學當究流別故有史籍攷之作謂史學必通地理故於山海經晉書地理志皆有校注又有關中勝迹圖記攷四庫全書總目提要西安府志之作謂金石可證經史宣迹所至搜羅尤博有關中中州山左金石記詩文下筆立成自運性靈不達大雅有靈巖山人詩集四十卷文集八卷刻有經訓堂叢書以少賴母氏張夫人教誨成立陳情上前御書經訓克家四字匾額賜之

國史本傳
錢大略

松筠字湘浦姓瑪拉特氏蒙古正藍旗人乾隆三十七年由繙譯生員考補理藩院筆帖式旋充軍機章京歷升主事員外郎京察一等超擢內閣學士兼禮部侍郎銜授鑲黃旗蒙古副都統賞戴花翎戶部右侍郎御前侍衛內務府大臣軍機大臣時英吉利遣

使人貢請於天津寧波海口貿易並求給附近珠山小海島附近廣東省城池地方各一處居商存貨上既嚴諭指駁復慮其沿途生事特命松筠護行凡所要求嚴詞拒絕途中安謐有旨嘉其得體尋令署吉林將軍嘉慶四年授陝甘總督太子少保銜時川陝楚三省教匪滋事黃號逆匪張漢潮與藍白兩號之黨由楚入陝又竄甘肅松筠抵陝因上前奉旨招諭脅從雖已膽黃曉諭恐賊中尚未盡知現遣安人潛入賊隊諭令被脅良民能捕獻首逆則當有罪施恩即臨陣投降亦令給賞回籍又復徧諭村鎮與其避賊而焚掠一空莫若團集而勢操全勝抵禦殺賊者定加獎賞擒獲巨魁者奏予職官云云疏入有旨嘉獎時廷臣有以終南山空地寥闊應給新撫之民墾種且應於扼要處所建立縣治安設營汛奏聞者有詔議覆松筠言終南山可耕之地俱已開墾所續陝西通志稿卷六十四名宦

九

餘老林非地土磽确即崖勢險峻人力難施川楚及河南江西安徽等處貧民自乾隆初來種山地結草為棚所種惟包穀其人轉移無定來去不常故地日闢而不能升科民日增而不能編籍又地界遼遠五方雜處游手無賴之徒多洞集其中欲為經久之謨誠不可不為建官設兵之計至漢水之南平利安康紫陽西鄉及南鄭洋縣褒城所屬地與湖廣四川連界山勢險惡地更遼遠亦當一體籌畫會巡撫台布有設總兵於五郎之請而軍機大臣復請改漢中副將為總兵與漢興道同移駐西鄉詔復令議覆松筠又言西鄉為漢中屏障守西鄉即以守漢中但建立重鎮必擇居中扼要之地使隨處有警皆可策應漢中北通褒鳳西達略陽西南甯羌為蜀棧咽喉東北洋縣為駱谷要口古來皆為重鎮今總兵與漢興道俱駐西鄉滯於偏隅他處有事將有鞭長莫及之勢

臣採訪衆謀揆度形勢竊謂漢中為西南門戶商州為東南門戶舊制漢中有協商州有營而總兵駐興安今請於漢中商州各設總兵西鄉寧羌各設副將為漢中鎮之翼興安改設副將與潼關協為商州之翼互為聲援於計為便五郎本屬西安亦應移置一協仍屬西安將軍提督管轄再四川提督應移駐達州距西鄉漁渡留壩不過四五百里其勢可以相接商州設鎮不獨固陝省之藩籬兼可壯鄖陽之聲勢川陝楚相為犄角暮布星羅絲聯繩貫誠久安長治之策也疏下四川總督魁倫覆奏尋寢其議

史本傳所載略略今據沈亮復疏請卹戰死鄉兵安撫被劫良民團練近賊州縣土著使人自為戰各保鄉里皆獲允行明年授伊犁將軍尋命署理湖廣總督馳往湖北勦賊旋坐事降為伊犁領隊大臣復授伊犁將軍尋以半途截殺叛兵不合革職交刑部治續陝西通志稿卷六十四名宦

十一

罪既而釋之以熟悉新疆情形賞給頭等侍衛作為喀什噶爾參贊大臣旋以二品頂戴補陝甘總督調兩廣總督協辦大學士武英殿大學士復出為伊犁將軍後坐疏請緩謁祖陵復降革以二品頂戴補授察哈爾都統嗣後屢起屢躋道光十四年命以都統銜休致次年卒年八十四贈太子太保予諡文清宣宗御極進呈所纂新疆識略十二卷上賜序刊行又著有緩服紀略五卷西招圖略一卷皆行於世

松文公傳事略集

那彥成字詔九一字東甫別號經堂姓章佳氏滿洲正白旗人曾祖阿克敦協辦大學士祖阿桂武英殿大學士一等公那彥成中乾隆己酉進士改翰林院庶吉士授編修遷侍講入直南書房擢祭酒詹事府內閣學士嘉慶二年命為軍機大臣遷工部右侍郎調戶部右侍郎授掌院學士除工部尚書上以那彥成三歲而孤

其母那拉氏撫孤守志三十餘年表其門賜御書勵節教忠額以榮之先是湖北白蓮教匪樊學明叛於襄陽其黨張漢潮寇秦中詔參贊大臣明亮討之而成都將軍慶成陝西巡撫永保與明亮有隙師行不相顧於是命那彥成為欽差大臣督明亮軍禰慶成永保職畀那彥成按治至則劾明亮奏報誣罔狀乃逮治明亮命那彥成領其軍尋破賊誅張漢潮又敗賊於五耶因請於五耶設重鎮于午谷黑水峪斜峪諸隘口分置小營控制增總兵一員從之時賊竄秦嶺老林及鳳皇山等處那彥成分遣將士連破之五年正月復擊破老林逸賊獲賊目三十有奇復殲逸賊百餘擒賊首高遇春等進兵至漢中因川匪鳴張入棧道追勦上嘉其不分畛域會川匪至隴州乃出棧急勦三戰太破之斬俘三千餘殲偽元帥魏學林偽先鋒嚴士沛等授參贊大臣賜玉牒金盒荷囊下

續陝西通志稿

卷六十四

名宦

部議叙其後屢著戰功迭經奉旨嘉許頒賜珍物尋以陝匪東趨近豫嚴飭之上以那彥成久不戴功召還京復以賊入川後勢漸張致總兵施紹戰沒乃那彥成玩縱所致於是斥退出軍機處南書房並罷所領館閣府庫諸職及抵京復奪都統尚書講官以侍講在實錄館効力久之起為禮部尚書復授為軍機大臣以秦隴搜捕餘匪命攝陝甘總督辦理善後事宜因奏南鄭縣鄉勇鄭忠祥等舉發趙恒裕張希賢潛結謀逆立擒之與其黨皆伏誅又奏籌遣南山遊民均得旨嘉獎尋調兩廣總督緣事降為喀什噶爾參贊大臣十四年以二品服補陝甘總督賞頭品頂戴復請禁交代倉粮折色之弊以重積貯如所議行十八年九月河南教匪李文成等謀逆陷滑縣上命那彥成為欽差大臣討之賊平加太子少保銜賞三等子爵換帶雙眼花翎是冬授直隸總督道光二年

以陝西渭南縣民柳金璧犯死路免命那彥成攝巡撫鞠得之誅貶有差復任陝甘總督繼復調直隸總督七年回疆克復命以欽差大臣往籌善後事宜未幾張格爾就擒仍命往治其事十一年冬復以西陲不靖責那彥成誤國肇釁命即革職次年卒賞尚書銜予諡文毅那彥成生於世胃性好學工詩能書遇事有執持於權要人無所屈劓川陝楚及滑縣教匪尤有功嘉慶中英吉利人貢頗不恭惟問福中堂及那大人見居何官蓋外夷夙所敬憚者祇此兩人云

先國正史本傳參

楊遇春字時齋四川崇慶州人舉乾隆己亥武鄉試從征甘肅臺灣由把總累擢守備賞藍翎苗逆命圍攻松桃廳遇春請於大學士貝子福康安率敢死三十人突入賊巢降其衆數千人圍遂解賞孔雀翎加都司銜復解永綏城圍錫勳勇已圖魯名號遷雲

續陝西通志稿

卷六十四

名宦

南都司又以生擒首逆吳牛生功擢遊擊嘉慶元年茶山之役賊圍官兵數重遇春率數十人奪據對山拔出官兵數千授四川普安營參將遂復乾州廳擢廣東羅定協副將苗匪平而教匪起遇春復隨額勒登保往剿之當是時教匪蔓延川陝湖北間其尤著者湖北則覃加耀林之華漢南則張漢潮遇春擒斬三千餘之華死加耀漢潮皆就擒後以功遷甘肅西寧鎮總兵擢甘肅提督子雲騎尉世職復以提督別領偏師並渭西上擊隴之賊剿伍金柱於手扳嚴追斬楊開甲於山梁生擒高天德馬學禮於龍洞溪並獲偽帥十七人晉騎都尉世職獲冉天士王士虎等逆目二百餘人於天池廟詔以南山餘賊責遇春專剿忽川忽陝搜捕不遺餘力晉二等輕車都尉世職遇春治軍嚴整雖倉卒衆寡不敵未嘗少却平日樸訥若無能遇賊輒機謀洞中應變如神尤不嗜殺

能得降人死力七年命額勒登保督同遇春辦理陝境苟文明股匪及各股零匪連次抄捕胥有斬獲七月苟文明就擒得旨獎敘是月調陝甘固原提督復降補寧陝鎮總兵旋仍授固原提督十八年教匪李文成叛據滑縣遇春副那彥成討之破其城滑縣平賞二等男爵復以勦辦南山匪徒萬五等有功特加太子少保銜賞戴雙眼花翎道光五年命署理陝甘總督旋以副揚威將軍長齡克復新疆四城晉太子太保銜凱旋入覲適生擒張格爾捷聞命實授陝甘總督圖形紫光閣十二年偕陝西巡撫史譜奏遵旨議汰冗員請酌裁陝西鄜州黃龍山州同一員蒲城縣巡檢一員寧羌州黃壩驛丞一員褒城縣馬道驛丞一員延安府訓導沔縣訓導各一員上允之十月奏裁陝甘兩省馬步守兵一千九百五十名馬四百餘匹所節省餉乾糧料爲撥補回疆新增防兵之用

名宦

十三

名宦

十四

續陝西通志稿卷六十四
下部議行久之因病開缺回籍晉封一等侯在籍賞食全俸賜御書詩扇寵其行無何卒於家追贈太子太傅銜兵部尚書照例例賜卹入祀賢良祠予諡忠武子國佐加副將銜國禎後官閩浙總督遇春治軍數十年未嘗妄殺凡疲卒一經訓練即膽壯或精銳改隸他部仍不能用命畢生無姬侍而操守尤廉任總督時討軍實肅官方邊務皆控制得法結髮從戎大小數百戰陷陣冒矢石或冠翎皆碎或袍袴皆穿未嘗受毫髮傷上詢及歎爲福將云

正國史本傳
武勳記先

林則徐字少穆福建侯官縣人中嘉慶甲子舉人辛未成進士改翰林院庶吉士則徐爲舉人時入閩撫張師誠幕師誠本乾隆朝樞直舊臣精吏治則徐相從四五年盡識先朝掌故及兵刑諸大政益以經世自勵散館授編修轉江南道監察御史尋授浙江杭

嘉湖道道光元年聞父病引疾歸尋授江蘇淮海道未赴任署浙江鹽運使遷江蘇按察使丁母憂服除授陝西按察使署布政使旋升江甯布政使丁父憂服除授湖北布政使旋調河南江甯布政使擢江蘇巡撫署兩江總督湖廣總督屬鴻臚寺卿黃爵滋疏請嚴禁鴉片以塞漏卮吸食者治以死罪命下中外各大臣議奏則徐擬章程六條以上上嘉納之命頒欽差大臣關防馳往廣東查辦海口事件水師咸歸節制十九年七月英人犯廣東浙江陷定海掠寧波則徐上疏自請治罪並密陳夷務不能中止俄而英人復構釁於粵則徐駐虎門督師親沉英艦多艘再敗之龍穴洲捷奏未至上以糜餉勞師辦理不善交部嚴加議處來京聽候部議尋命革職仍回廣東以備查問旋賞四品卿銜命赴浙江鎮海軍營協辦事務尋復革去京銜遣戍伊犁七月決開封則徐道

名宦

十四

續陝西通志稿卷六十四
中奉旨免戍襄辦東河工程工竣仍遣戍伊犁久之召還以四五品京堂候補旋賞三品頂戴署陝甘總督尋改授陝西巡撫仍命暫留甘肅偕陝甘總督布彥泰等辦理番案六月剿番族番僧於黑錯寺復追掃果畝匪殲擒殆盡得旨調度有方下部優叙頃之蒞陝撫任值大旱籌畫災賑請行捐輸事賴以集是時民不能耕多殺牛以食則徐曰如此則來歲又饑也飭官爲收牛償其值勸富民質牛予以息次年乃大有秋則徐奏言西安同州鳳翔乾州等府州屬本年夏秋被旱收成歉薄先擬酌辦平糶查西安等四府州屬現存常平倉糧一百一十餘萬石與其照案出借不如照例平糶即責令地方官將戶口查明註冊凡應准平糶之戶覈其大小幾口填給印單令憑單買糧每一次准將五日之糧一併糶回隨於單內蓋戳仍交該戶收執爲下次買糧之據仍分別各鄉

排日勻糶遇而後始如此辦理可免擁擠之虞而囤積射利之徒亦不能希圖冒混此外極窮之民以及老幼廢疾官爲收養俾免餓殍在途得旨允行時關中刀匪之患已熾則徐奏言陝省之渭南富平大荔蒲城一帶久爲刀匪出沒徑途緣此數處回族最多素以爭鬪爲能搶竊爲利與刀匪互相勾結勢饒益張攫財物則彼此分贓聞緝拿則糾同抗拒有窩巢以爲藏身之固有器械以爲抵禦之資不獨兵役避其兇鋒卽州縣官員亦不免望而却步雖訪知著名惡黨亟應搜捕驅除而轉情費憊勞不如其省事又恐負隅恃衆易致損威且即破一巨巢獲一大夥而又慮及在逃餘犯或設計報復或捏控抵制其爲累正多並又憚於吏議之嚴因起獲火器刀矛而轉咎其從前之失察是畏累之心愈甚卽緝匪之功愈懸諱飾因循漸至養癰貽患此次渭南縣知縣余炳燾先後格殺擒獲刀匪三十餘名奪獲火器軍械多件實能除暴安良不避艱險並於先事布置周詳故雖兵役多受槍傷而辦理尙能妥速不致釀成巨患民間輿論咸謂除一禍根請將余炳燾量加鼓勵俾咸知激勵有旨余炳燾以同知直隸州用又以陝甘捐輸番案經費一欸數數總有盈餘擬懇將戶部所咨添足捐欸七十萬兩分貯陝甘兩省藩庫而於其內提銀四十萬兩發商生息年可獲息四萬兩以二萬兩爲添防及巡兵口食之需仍以二萬兩歸本二十年後本既歸足息仍長流較之全由封貯欸項支發日見消耗似爲久遠之圖又奏遵旨籌議銀錢出納事宜就陝局情形細加體察實有難以改易者亦有業已變通者應請仍循舊章庶免轉生窒礙均下部議行久之擢雲貴總督以剿撫趙州保山回匪事加太子太保銜並賞戴花翎咸豐元年以欽差大臣馳赴

續陝西通志稿

卷六十四

名宦

十五

廣西會剿賊匪旋署廣西巡撫行次廣東潮州病卒贈太子太傅銜照總督例賜卹予諡文忠其明年陝西巡撫張祥河以則徐任陝撫有善政請建祠歲祀經部議覆奏諭曰林則徐在陝巡撫任內居官慈惠率屬廉明其籌辦賑撫培植學校嚴懲奸宄諸政績均於地方有裨該省西安同州鳳翔等屬紳民公懇建立專祠著准其擇地捐建以表臣節而順輿情論曰文忠以端亮敏毅上結主知道光一朝三十年中凡河工海運鹽政軍事苟遺大投艱必專任之始終眷倚同列不敢望中間遭讒小挫而上意實眷之不衰故晚節尤盛所樹立俾指不能盡其尤著者新疆屯田江南漕賑雲南回務三事皆以一時貽百世利粵東燒煙之役多至二萬餘箱論者謂其過當然終文忠之任番舶不能逞志於粵海疆事起後進成就文忠請方略公曰英易與耳終爲中國患者其俄羅

續陝西通志稿

卷六十四

名宦

十六

斯乎其言今殆驗矣

文忠公事略及遺稿附錄

左宗棠字季高湖南湘陰縣人中道光壬辰舉人咸豐二年粵匪竄湖南犯長沙先後佐張亮基駱秉章戎幕游保同知直隸州知州御史宗稷辰奏稱宗棠通權達變疆吏倚重其迹甚微而功甚偉若使獨當一面必不下於胡林翼諸人詔湖南巡撫送部引見侍郎曾國藩亦敘宗棠濟餉功請以郎中分兵部行走並賞戴花翎既而駱秉章復疏保宗棠運籌出力加四品卿銜而湖北巡撫胡林翼少詹事潘祖蔭復交章薦之且謂國家不可一日無湖南湖南不可一日無宗棠疏下曾國藩尋覆奏宗棠剛明耐苦曉暢兵機請破格簡用詔以四品京堂候補隨國藩襄辦軍務尋尋逆石達開竄四川詔宗棠援蜀而曾國藩疏請先令督勇來皖於是宗棠率湘軍五千援江西遂克德興婺源命以三品京堂候補會

景德鎮復陷於賊宗棠回援六戰皆捷逆酋李世賢遁命以三品京堂幫辦軍務旋授太常寺卿尋以浙省事急命兼程赴浙督辦軍務提鎮以下均歸調遣未幾杭州陷即授浙江巡撫同治元年正月詔宗棠自衛規浙其冬克嚴州府明年克金華府進規杭州授閩浙總督仍兼署浙江巡撫明年克嘉興府遂復杭州省城加太子少保銜賞穿黃馬褂尋以肅清全浙功授爵為恪靖伯既而豐克龍巖漳州全閩亦清逆酋汪海洋等分竄詔宗棠赴粵節制三省復以克復嘉應功賞戴雙眼花翎是時關隴兵事日棘五年八月調陝甘總督請以前浙江按察使劉典幫辦陝甘軍務因奏陳籌辦情形上嘉其洞中窺要授為欽差大臣督辦陝甘軍務詔曰捻逆張總愚一股屢為陝軍痛勦逆焰已衰左宗棠入關後務與提督劉松山等軍會合夾擊就地殄除會捻匪入陷陝西延川續陝西通志稿卷六十四

名宦

十七

綏德而回逆亦同時披猖宗棠自請嚴議坐降二級留任七年四月捻逆平詔開復處分旋賞太子太保銜照一等軍功議叙十月抵西安時陝省東北延榆綏所屬土匪遊勇與甘回相附西北回匪踞寧州董志原為老巢北接慶陽南連鄜鳳東北達鄜延逆回白彥虎等十八頭目號十八營四出剽劫宗棠分遣諸軍大破之降其魁董福祥李雙良張俊等因奏言宜乘時耕墾擇要興屯然後徐圖進取主固秦規隴上嘉其老成持重尋陝西肅清宗棠進軍駐平涼四路出師遂克金積堡逆首馬化澂伏誅捷聞賞加騎都尉世職尋復河州克西甯白彥虎狂竄出關旋擒馬文祿等九逆遂克肅州關內肅清捷聞詔曰陝甘逆回擾亂十有餘年勢極披猖自簡任左宗棠總督陝甘數年以來不辭艱苦此次親臨前敵督飭將士克復堅城朕心實深嘉悅左宗棠著以陝甘總督協

辦大學士前賞給騎都尉世職改為一等輕車都尉世職並著督辦出關一切事宜因奏言自古關塞用師在精不在多矧禍亂十年人物凋殘財物匱乏之後乎臣擬於所部諸軍精選數營屆時慎擇統將率之同行如天之福甘涼安肅明歲豐稔西師飽騰再分起層遞而前庶邊塞肅清可操全算上嘉納之十三年正月奏請甘肅省城添設貢院與陝西分闈鄉試並分設學政旋授大學士仍留陝甘總督任尋授東閣大學士光緒元年三月命以欽差大臣督辦新疆軍務八月奏以劉錦棠總理行營事務四年回疆底定捷聞諭以左宗棠督辦新疆軍務勦撫兼施整隊西行勢如破竹籌兵籌餉備歷艱辛卒能謀出萬全膚功迅奏著由一等伯晉為二等侯仍用恪靖二字六年請以新疆開設行省旋以俄人未肯交還伊犁命宗棠督師屯哈密尋詔來京以通政使司通政續陝西通志稿卷六十四

名宦

十八

使劉錦棠代之初宗棠之督陝也以陝甘回變古籍銷亡札陝鄂糧臺影刊鮑刻六經俾邊隅士子得善本以資誦習其款由宗棠養廉動支札陝甘各州縣試種稻穀桑棉並舉前陝撫陳宏謀廣行山桑法為兩省開無窮之利復禁革流差禁種罌粟皆以實心行實政其入關也行經華陰以西嶽廟貌摧殘集貨重新不耗帑藏不勞庶氓過者皆瞻仰焉其後俄人繳還伊犁遂舉二萬里戎索重隸皇輿及入朝見玉門內外草萊徧墾道傍官柳鬱然成陰為之加餐焉既親命管理兵部事務在軍機大臣上行走並在總理各國事務衙門行走尋授兩江總督兼辦理通商事務大臣數以病請開缺未許到京命仍在軍機大臣上行走管理神機營事務會法蘭西擾福建臺灣命以欽差大臣督辦福建軍務和議成以疾請休詔賞假一月七月卒於軍贈太傅照大學士例賜卹予

謚文襄子孝威舉人早卒孝寬郎中孝勳主事孝同舉人孫念謙襲二等侯爵

文情史本傳及文獻文集左

著有奏議六十四卷書牘

二十六卷謝摺二卷文集四卷詩集雜著一卷學治要言一卷行於世

譚鍾麟字文卿湖南茶陵州人咸豐丙辰進士改翰林院庶吉士散館授編修同治元年補江南道監察御史出爲杭州府知府擢河南按察使丁母憂服闋用舉者授陝西布政使尋命護理陝西巡撫鍾麟故嘗遊陝知其民情取所疾苦更易之初陝西漢回積不相能至是值回亂衆止回民出城窮餓者無以爲生鍾麟弛其禁令漢民不得相讎遇訴訟戒屬吏毋偏袒回衆感泣誓不犯法旋還布政使任是時左宗棠方督師甘肅設糧臺於陝西各省協甘軍餉亦皆道陝鍾麟乃設局行鈔徵發立應一無留誤更以餘續陝西通志稿

卷六十四

名宦

十九

暇興學立書局濬鄭白渠教民種桑蠶織大興光緒元年擢授陝西巡撫以籌餉功賞頭品頂戴并賞戴花翎三年陝西大旱先是鍾麟依社倉法督州縣積穀至百餘萬石乃盡發以賑選任幹吏不假手胥役頒禁令十條嚴治囤戶及侵漁者富平知縣劉志同高陵知縣陳衍昌辦賑欺飾鍾麟奏革職訊治斬胥吏以徇官民震懾時晉豫皆旱饑兩宮爲之旰食發內帑糴沿江粟以賑之猶不能全濟陝獨晏然論者以晉豫陝災同而有司請發獨異疑陝西諱災御史梁景先等劾之陝西紳士復聯名呈訴陝省荒旱撫藩匿災狀鍾麟疏辯侍講張佩綸復嚴劾鍾麟謂其抗疏自辯亦近囂張且蒲韓各縣猖亂戕官致煩兵力平日所辦保甲可以想見得旨宣示鍾麟前後所陳籌辦荒賑情形且有實惠及民之褒並諭嗣後務實心任事慎益加慎毋得稍任意氣之偏明年鍾麟

奏報賑務竣事統計各屬賑過極次貧民男女大小三百一十四

萬口有奇共用銀二百三十餘萬兩用糧一百一十餘萬石其中官項捐款約略各半懇免造冊報銷得旨允之明年春因病請開缺賞假兩月並勉以時事艱難當力圖報稱未可遽萌退志旋調浙江巡撫加兵部尚書銜尋遷陝甘總督督廿九年庫儲至百餘萬兩州縣積穀數百萬石十倍於前既而患目疾至不能視乞開缺回籍調理允之目疾愈召入以尚書銜補吏部左侍郎兼署戶部左侍郎工部尚書尋授閩浙總督加太子少保銜調四川總督未行調兩廣總督廣東交涉日繁以病求去上命來京賞戴雙眼花翎命開缺留京當差及乘輿西幸衰病不能從乃乞歸無何卒詔以總督例賜卹予謚文勤

清史本傳

續陝西通志稿

卷六十四

名宦

編纂江寧吳廷錫

二十一